

oder noch fünfftig lassen möchten / vnser Keyserlich
cher gnad vnd alles guts.

Vnd fügen euch gnediglich zu wissen / Als
wir bey vns bedacht vnd zu gemüt geführt / was
massen von den gnaden Gottes ermelte vnser
Kron Böhem mit vielen ansehnlichen Berg-
wergen auff allerley Metall vnd Mineralien
reichlich gesegnet. Also wo allem dieselben durch
die menig der in vnd außlendischen Bawenden
Gewercken ersucht vnd erhebt würden / das nicht
allein ein ansehnliche mehrung vnser Kama-
merguts / beneben einer allgemeinen wolahrt
mehrgedachter vnser Kron Böhem / Sondern
auch ihr der Bawenden Gewercken selbs statli-
che bereichung vnd auffnemung in ihren nahrun-
gen zuverhoffen. Vnd wir aber bey vns gnedig-
lich wol abnemen mögen / das in alleweg vnd son-
derlich die außlendischen Gewercken zu derselben
herzu züglung / mit begnadungen / vnd auch mit
gnugsamen versicherungen / auff das sie auch des-
sen / was sie nit allein auff vnsern / sondern auff der
Stände gründ vnd Böden erbawen vnd erobern /
vergeuist vnd damit frey vnd vnerbunden
seyen. Insonderheit aber bey ihren Ordnungen /
Privilegien vnd Statuten festiglich geschützt vnd
gehandhabt / vnd auch vor frembden Gerichten
Exempt gemacht / etc. versehen sollen vnd müssen
werden.

Das wir demnach auff jetzt in dieser vnser
Eron Böhem gehaltenen Landtag mit ihnen den
Ständen angeregter Bergwerg halben eine son-
dere vergleichung getroffen / dardurch verhoff-
fentlich nicht allein alle mangel / die sie die Ge-
wer-

wer-